


清會典 二百七之九

工部十一之三



漢書門			
九〇八	函	號	類
一三二	架	冊	
一六〇	冊		

漢書
九〇八號

內閣文庫			
九〇八	漢書	函	號
一三二	架	冊	
二九七	冊		

內閣文庫			
番號	漢	908	
冊數	160	(140)	
函號	295	10	





大清會典卷之二百七

工部都水司

黃運兩河工程

河渠六

工程

黃運兩河工程。有歲修。有搶修。分析考成。其承辦物料。以及栽柳種葦。規條詳密。備載於後。

凡歲修。舊例。黃運兩河。大溜直衝堤根。搜刷堤底。必須長椿大埽。又石岸閘壩等項。間年修理。俱預先題估。工完報銷。○又定。歲修工程錢糧。先給一半。餘俟料物交完。方准找給。○康熙十八年。題准。凡應給之款。不得隔年找支。○二十



大清會典 卷二百一  
四年。覆准。歲修錢糧。仍照舊例先給一半。餘俟料物完後找給。

凡搶修舊例。黃運兩河堤岸閘壩。偶被衝損。該管廳員。一面詳明總河。一面飛速運料修防。造入歲報冊內。彙題開銷。○康熙十八年。題准。搶修工程。亦照歲修例。預行具題。○二十四年。覆准。嗣後搶修工程。五百兩以內者。該督詳開各工細數。造冊彙題。

凡河工考成。順治初定。黃運兩河堤岸修築不堅。一年內衝決者。管河同知。通判。州。縣等官降三級調用。分司。道官降一級調用。總河降一級留任。如異常水災衝決者。專修督修官。俱住俸。修築完日開復。本汛堤岸衝決。隱匿不報。另指別處申報者。加倍議處。如一年外衝決者。管河等官革職。帶罪修築。分司。道官住俸。督修完日開復。本汛堤岸衝決。隱匿不報。另指別處申報者。管河等官降二級調用。分司。道官降一級調用。總河不行詳確具題。罰俸一年。如地方衝決少而申報多者。降三級調用。轉詳官降二級調用。總河不行詳查具題。降一級留任。至衝決地



方限十日申報。過期始報者。降二級調用。其沿河堤岸。預先不行修築。以致漕船阻滯者。經管官降一級調用。該管官罰俸一年。總河罰俸六個月。○十六年。定河工各官。無論陞遷降調。俱將任內修防事宜開明。候交代離任。堤岸衝決。該管官叅處。○十七年。題准。修築堤岸工完。各具伏秋無虞印結。同冊奏銷。如本年衝決者。指叅議處。○康熙元年。題准。凡修築黃河堤岸。一年內衝決者。叅處修築之官。一年外衝決者。叅處防守之官。運河堤岸。二年內衝決者。叅處修

築之官。三年外衝決者。叅處防守之官。如限年之內。修築之官已去。而防守之官。不行料理。致有衝決者。將防守官一併叅處。○十五年。議准。河道關係重大。堤岸往往衝決。皆由修築不堅。防守怠玩所致。宜嚴定處分之例。嗣後不得諉之水災具題。黃河堤岸。仍定限一年。運河堤岸。仍定限三年。黃河堤岸半年內。運河堤岸一年內衝決者。經修防守等官。俱革職。分司道官。降四級調用。總河。降三級留任。黃河堤岸過半年。運河堤岸過一年衝決者。經修防守等官。降三



級調用。分司道官降二級調用。總河降一級留任。如已過限年衝決者。管河各官俱革職帶罪修築。分司道官住俸。督修工完開復。總河罰俸一年。若限年內衝決。經修之官已去。仍將原修官與防守官一體處分。其限年內本汛堤岸衝決。另指別處申報者。經修防守官俱革職。分司道官降五級調用。總河不確查具題。降三級調用。其餘仍照舊例遵行。○十七年議定。知府有地方之責。嗣後如遇衝決等事。照道員一體處分。承修兩河堤岸一應工程。俱限半年完工。半

年不完。承修官罰俸一年。督修道府罰俸半年。再限三個月完工。如再不完。承修官降一級調用。督修道府罰俸一年。如承修官係革職帶罪之員。半年限內不完。降一級調用。不准再限。工程另委別官。限三月完工。不完。罰俸一年。督修道府所屬官員。工程一年內不完。降一級調用。限內不完。總河不行題叅。罰俸三個月。若係限內難完大工。總河預先題明。其監理廳印分管佐雜等官。所築堤工。合式堅固。該管廳印河官出具甘結。道府驗實。加結申送總河。勘實具題。



大清會典 卷一百一十七  
准照應陞之缺。加二級卽陞。原非正途者。俱作正途。一體陞遷。至於分管官所築堤工。有一處不堅固。或一二丈不豐滿合式者。降一級調用。兩處不堅固。或三四丈不豐滿合式者。降二級調用。三處不堅固。并五丈以上不豐滿合式者。革職。監理官所轄分管官。有一員議處者。監理官罰俸一年。二員議處者。降一級調用。三員議處者。降二級調用。四員以上議處者。革職。係監理官揭叅者。免坐。如議處議叙相同者。准與抵算。如興舉大工。附近地方官。不協同設法募夫。

不將急需柳草等項。速買解運。致悞河工者。題叅。將州縣官。降三級調用。道府官。降一級調用。至於舉劾大計。將河工一併考成。無河道衝決。或旋決旋修。不致殃民損課者。方准薦舉。○又定。各省堤岸。有無衝決。該督撫於年底造冊報部。○二十三年。

諭。嗣後堤岸衝決。倘係河水漫決。河流不移者。應否免其革職。止令賠修。著確議定例具奏。遵

旨議定。嗣後堤岸衝決。河流遷徙者。照定例處分。若堤岸漫決。河流不移者。免其革職。責令賠修。限年



內漫決者。經修官賠修。過年限漫決者。防守官賠修。○三十九年。覆准。嗣後堤岸衝決。河流不移者。將管河各官。俱革職。帶罪勒限半年賠修。分司道官。各降四級督賠。工完開復。如限內不完。將承修官員革職。分司道官。降四級調用。總河。降一級留任。未完工程。仍令賠修。其應賠工程。具題動帑修築者。將此應賠銀兩。亦照賠修例。勒限處分。如限內不完。分司道官不行揭報。總河不行題叅。照狗庇例議處。○四十九年。覆准。河南堤工。係巡撫就近料理。如遇水長。卽嚴

飭管河等官。率領堡夫搶護。如怠玩貽悞。將該地方官。照黃河定例議處。仍查明年限。著落賠修。○雍正二年。議准。嗣後給發錢糧。交與諳諫。河務之員修築。如修築不堅。致有衝決者。派員督其賠修。不能賠修者。題叅革職。另派賢員。給發錢糧修築。將所用錢糧。勒限一年賠完。仍准其開復。逾限不完。交刑部治罪。仍著落家產賠完。如家產不能賠完。著落發錢糧之上司。賠補全完。○五年。如員所

諭。河工追賠之項。其中情由不一。有該員侵蝕入已



大清會典 卷一百一十一  
者。有修築草率。本不堅固。易致衝決。應當賠修者。有當潰決之時。該員預知例當賠修。而以少報多。先留地步者。甚至有故意損壞工程。以便與修開銷者。種種弊端。不可枚舉。皆屬法難寬宥。但亦有經手之員。本無情弊。而照例則應分賠者。在該員則情稍有可原。而承追之時。無力全完。亦於國帑無益。朕意欲開恩。稍為變通。其如何酌量分別定例。方為妥協之處。著九卿詳議具奏。遵

旨議定。嗣後黃河一年之內。運河三年之內。堤工陡遇衝決。而所修工程。實係堅固。於工完之日。已

經總河督撫保題者。承修官止賠修四分。其餘六分。准其開銷。如該員修築錢糧。俱歸實用。工程已完。未及題報。而陡遇衝決者。該總河督撫據實保題。亦令賠修四分。其餘俱准開銷。如黃河一年之外。運河三年之外。堤工陡遇衝決。而該管各官。實係防守謹慎者。該總河督撫查明具題。止令防守該管各官。共賠四分。內河道知府。共賠二分。同知。通判。州縣。守備。共賠一分半。縣丞。主簿。千總。把總。共賠半分。其餘六分。准其開銷。其承修防守各官。俱令革職留任。帶罪効



大清會典 卷一百一十七  
力。工完之日。准其開復。倘總河督撫保題不實。照狗庇例嚴加議處。仍照定例勒限分賠還項。凡勘估報銷。康熙三十二年。覆准。嗣後歲修埽工。令該督將每段所下埽個。幾路幾層之處。開明造冊具題。以便查核。○又覆准。高堰堤工。於每年歲修之後。務令河臣親身詳確察勘題報。倘捏稱修理。及工程草率者。卽指名題叅。○三十三年。覆准。嗣後一應工程。俟總河工完年底。造報工部之日。將各部院衙門堂官科道官職名開列具題。

簡差查勘。俟查回所修丈尺。用過埽料等。與原估題疏相符。准其開銷。如有不符。巧飾謊報等情。交部嚴加議處。○三十四年。

諭。察勘無益。嗣後差遣察勘。永行停止。○三十九年。議准。嗣後呈報險工。該道親行查勘確實。卽令動帑搶修。一面估計。申報總河查核。如係假捏。卽以謊報題叅。該道狗隱。一併叅處。○四十七年。

諭。河工動用錢糧。輒以數萬數十萬計。河官當估計之時。先故浮估。以爲日後節省之地。此皆河工積弊。嗣後凡有修理工程。河道總督務親詣察勘。確估具奏。



大清會典 卷二百一  
不可一任河官浮冒估計。○五十二年。覆准。嗣後一應歲修搶修工程。行令該督親勘。以杜冒銷之弊。○又覆准。嗣後修築工程。該廳呈報到日。該督與道員。卽行親勘工程。驗明料物。具題修築。工完查勘報銷。如修築不堅。短少物料。將承修之員。題叅從重治罪。如該道不行揭報。該督不行題叅。俱照狗庇例議處。○五十七年。奏准。嚴飭總河。嗣後各廳詳報修築。該督務親往確勘。果應修建。然後具題。到日。工部確查議覆。不得一任道廳混行估計。題請修築。希圖冒銷。○雍

正二一年。覆准。嗣後歲修工程。行令總督。俟秋汛水涸時。卽行估計具題。○又議准。一應工程。嚴飭承修官員。據實估報。如估報時。仍留核減之分者。該督撫題叅。嚴加議處。○又議准。嗣後歲修工程。於本年十月內題估。次年四月內題銷。逾限不銷者。所用錢糧。著落授受之員賠還。至搶修工程。將衝決丈尺。動用何項錢糧之處。咨報工部。完工卽行彙冊題銷。遲至次年四月不題者。將所用錢糧。亦著落授受之員賠還。其歲修及大工。動用何項錢糧之處。該督撫題估之



大清會典 卷二百一  
時一併題明。○四年。

諭。賠修之例。甚屬無益。從來河官領帑修工。必預留賠修地步。以致錢糧不歸實用。工程斷難堅固。卽幸而得保無虞。而錢糧終歸入已。似此情弊。相習成風。必照侵欺錢糧例。嚴加治罪。方足示懲。著九卿詳議具奏。遵

旨議定。嗣後承修之員。估計工程。總河及該督撫分司。確查工段丈尺。椿埽料物。如果與所估數目相符。核實具題。發帑興修。如估計過多。存心浮冒。查出卽照溺職例革職。承查之員。不實心詳

查。扶同徇隱。卽照徇庇例議處。至工完之日。該總河督撫分司。再行逐一查勘。做過工程。果否如式堅固。與原估丈尺。錢糧數目相符。如工程單薄。料物尅減。錢糧不歸實用。以致修築不堅。不能保固。將承修之員。指名題叅。照侵欺錢糧分別治罪。其侵欺銀兩。勒限著落該員家產追賠還項。至所修單薄工程。該員既經浮冒。工程必難保固。令總河督撫等。另委賢員。動帑堅固修築。工完題銷。

凡寬免賠修。康熙三十九年。議准。凡黃河曲處。



挑挖引河。果係深寬。偶至淤墊者。該督親勘保題。免其賠修。○四十二年。

詔。河工官員。領正項錢糧。修築堤岸。被水衝決。應賠還者。照例追賠。其自捐銀兩。修堤完工之後。被水衝決。或因地勢難築。竣工無期。若仍責令賠修。甚屬可憫。著總河察明具題。免其賠補。○雍正三年。

諭。今歲入夏以來。雨水過多。朕心念黃淮伏秋雨汛。必然水勢浩瀚。甚以爲憂。所以從前批副總河摺奏。有無日不神馳黃淮兩岸之語。今據河南巡撫奏稱儀封縣南岸大寨。蘭陽縣北岸板廠後兩處

衝開決口。各十餘丈。此皆朕躬不德。或用入行政有闕失之所致。返躬惕勵。夙夜不安。其衝決堤工。可星速會同副總河率各屬河員。并力搶築。務期永久堅固。其一帶危險工程。亦當增卑培薄。預爲之防。至被災人民。著速委能員實心確查。應賑恤者。卽動正項錢糧賑恤。衝沒田地。詳細估勘。應豁免者。題請豁免。朕從前曾命將河屬官員分別議叙。今儀封蘭陽兩處。卽被衝決。例應叅處。但朕自念不德。其疎防官吏。止停其議叙。不必叅處。賠修亦著寬免。



大清會典 卷二百七  
凡工程禁令。順治十二年。定。河臣嚴察河工。官吏扣折夫食柳價。以蘇民困。○十五年。定。河工興作。收柳管夫。責成部選官員。不許濫委匪人。  
○康熙六年。

詔。修河夫埽料。民累不堪。或有司借端加派。或濫用委官。侵冒詐索。該督撫道不時嚴加稽察。仍須剋期竣工。勿得延緩。致滋民困。九年同。○八年。

諭。河工原有額設錢糧。近聞沿河居民。因河工苦累。此皆該地方大小官員。不念民艱。縱役侵剋所致。若督撫等官。實心料理。則貪官蠹役。安得嚇騙苛派。肆害百姓。以後有此情弊。被訪察發覺。定將該地方大小官員。從重治罪。不恕。○又

諭。河工每年修築。重勞民力。糜費錢糧。此皆上官委任之屬官衙役。包攬冒破。草率塞責。以致民生困苦。殊不稱職。以後凡修築之處。務須堅固。以圖永久。如仍前弊。定行重處。○十二年。議准。清河桃源宿遷黃河北岸。令管河各官。將舊築遙堤。時加巡查。稍有損壞。卽行修理。以捍禦水勢。○十七年。題准。河工頂衝之地。卽以舊堤爲縷堤。於舊堤之外。另築遙堤。以爲重門之障。○又議定。河南山東。特



設管河道員。一切督修挑築採辦諸事。務令道員協同催趲。聯銜會詳。一體責成。○十八年。

詔。河工連年修築。糜費不貲。茲當兵餉浩繁。著該管大小各官。潔已奉公。加意節省。以濟軍需。勿得因仍積弊。浮冒開銷。致滋民困。如有發覺。定從重治罪。決不饒恕。○二十年。

詔。河道漕運。關係重大。所關河漕。一應情罪。俱不免赦。三十六年。二十九年年同。

諭。河道所關。至為重大。三年來雨水稀少。管河官視河道為常事。今年景象。似多雨水。可馳諭總河。嚴飭該管官。晝夜防視。務保河堤無虞。○三十一年。

諭。黃河沙灘消長。本無定所。水緩處可設滾水堤。至急流處。滾水堤斷不可設。其至緊要者。無過於險工。惟將錢糧實用於險工之處。使之堅固。斯可永保無虞。○三十六年。

諭。海口為黃水入海之道。所關甚屬緊要。河道總督。每年委賢能河官。專管修理。勿致壅滯。○三十九年。議准。嗣後侵帑悞工。如分管微員。照例懲處。其現在河員。及在工効力旗員。即行題叅革職。○又

諭。河工積弊。汎官利於堤岸有事。修建大功。得以侵冒



河帑。又希圖修橋建閘。與無益工程。於中取利。著嚴飭各官。痛改前非。加謹修防。倘有故違。定行正法。以示懲戒。其地方有司官員。漠視河工。致有遺悞者。題叅到日。將地方官亦行正法。河官平時。須預備物料。以爲不時修防之需。若料物不備。遇工程險要。倉皇無措。雖將該管官重處。亦屬無濟。○四十五年。

諭。總河報秋汛疏。二十日方到。朕屢次親閱河工。洞悉情形。如奏報水汛事早到。則其中或有所指示。猶可及時預防。嗣後有奏河工急務者。限兩三日飛遞馳送。○四十六年。

諭。在河各官。酌量才具堪用。及有身家人員。方可給帑做工。屢經降旨。如無藉微員。輕令領帑。致有虧空無追者。河道總督。及該管給發錢糧官員。應作何定例處分賠補。著議奏。遵

旨議定。嗣後修防工程。著道員按工發帑。廳員按工領帑做工。其微員末弁。以及効力人員。止令防守。趲催押運物料。不得輕給帑銀。如果才具堪用。家道殷實。該廳具結申詳該道。轉詳該督。方准給發。如仍濫委匪人。以致虧空帑金。工程不完。將本身革去職銜。限一年追完。完日復還原職。



逾限不完。將出結廳官革職。帶罪勒限一年賠完。完日開復。該道降四級。勒令賠完。完日開復。如限內不完。降四級調用。該督降一級。著與該道廳一體同賠。完日准其開復。不完。每案罰俸一年。仍著該督及道廳同賠還項。○四十八年。諭。河工關係緊要。加謹修防。不可稍有忽畧。宿遷以下。有清水入黃河。得以刷沙。遶行。宿遷以上。至河南一帶。無清水入黃河。必須將兩岸堤工。小心修防。令水不出漕。導水由漕中行。無淤沙之患。至於黃河發水。由上源寧夏而來。著行文陝西總督。轉行寧夏同知。

遇黃河長水時。將長水情由。作速報知總河河南巡撫。二十日卽報到。預爲修防。○雍正三年。覆准。豫省添設河員。每年歲搶兩修。責令河汛各官。專司其事。倘遇緊要大工。仍令汛河印官。與汛河各官協力修理。○五年。

諭。向聞河工不肖之員。有將完固堤工。故行毀壞。希圖興修。借端侵蝕錢糧者。此等罪惡。尤可痛恨。著該督時加察訪。再有此等不法之員。著卽奏聞。於工程處正法示衆。○又議准。河工關係甚大。嗣後凡遇緊要工程。如有浮議動衆。以致衆力懈弛。



大清會典 卷二百一  
者。嚴查倡造之人。比照妖言惑眾律。斬監候。如有附和浮言。互相傳播者。比照妄言律。杖一百。仍於工所枷號一個月。其指稱夫頭。包攬代僱。希圖抑勒良民者。將承包不力之人。照河工一帶用強包攬閘夫溜夫之律。二名以上者。發附近充軍。一名者。枷號一個月。仍杖一百發落。○又議准。嗣後沿河州縣。遇有被淹之處。令地方官會同河員。親歷確勘。被淹情由。據實通報。如有隱匿民災者。照報災怠玩例議處。查報不實者。照溺職例議處。○又

論淮安裏河同知。向來漢軍人員。習氣不堪。而河官更甚。凡經手一切工程。修築既不完固。防守復多疎虞。上下通同。侵欺浮冒。虛糜國帑。甚至冀幸堤工之衝決。以遂其侵那開銷之私計。種種弊端。朕所洞悉。今總河悉心釐剔。一應工程。整頓料理。俱有成效。爾等遇此公忠體國之上司。正宜洗心滌慮。痛改前非。各自奮勉。如玩愒不悛。經該督題叅。定加重處。斷不能為爾等寬也。蓋河工關係運道民生。河官之責任。較之他員。實為重大。即較掌刑名之責。亦更為切要。果能實心辦理。使河流深通。



堤岸堅固。運道無阻。生靈賴以保全。自然永受國恩。上可顯榮祖父。下亦垂裕後人。倘怠玩職守。工程墮壞。上則辱及先人。下則貽害子孫。不但一身顯耀國法已也。總之職司河道。勝任則造福無量。曠官則造孽無窮。務須悉知利害。殫心竭力。相形度勢。錢糧必歸實用。工程必期永固。若塗飾耳目。苟且塞責。雖一時僥倖無虞。終必敗露。身家性命及之矣。將朕此訓旨。凜遵恪守。朝夕不忘。并遍告河官。互相儆戒。各加黽勉。以副朕廑念運道民生之至意。

凡承辦物料。康熙九年。題准。衝決地方。有催夫不發。及椿柳等項。不行速辦。或稱非係本汛推卸。以致遲悞河工者。俱降一級調用。不行轉催上司。罰俸一年。○十二年。定。大工需柳。先從本地採辦。再有不敷。量於近省協濟。○三十九年。議准。嗣後排椿購木。令該道廳赴工看驗。是否與原估尺寸相符。令承築人員。椿用整木簽釘。埽用整柴鑲塞。如修築不堅。該道廳揭報。狗隱一併究叅。汎弁斥究。○五十二年。覆准。裏河山盱兩廳工程。俱用蕩柴。每束二分二釐。徐屬地



大清會典 卷二百一十  
方。捲埽鑲墊。參用荻蘆。每束一分。如用秫稽。開銷蘆價者。該督查明題參。從重處分。○又覆准。令河督嚴飭各廳。預備物料。及時修理。其捲下埽個。如不堅固。外新內舊。雜以爛草。以及短少丈尺者。該督親勘題參。從重治罪。該督不參。照狗庇例議處。○五十九年。覆准。嗣後一應購買物料。嚴飭廳員親身協同地方官購買。仍取具地方官並無累民等弊印結送部。如有百姓具呈出首。許該地方官詳報總河督撫。據實題參。○雍正二年。覆准。河工鑲墊物料。理宜畫一。自

雍正二年始。均照宿桃廳例。每工程寬長一丈。高一尺。用葦柴三十八束。永爲定例遵行。徐邳所用秫稽。亦應照葦柴數目。至於下埽之處。不肖之官。故意簽樁。希圖開銷多金者。該督卽行題參。交部嚴加治罪。○五年。覆准。歲修所用秫稽。定於八月內。動道庫銀兩。給發各廳。勒限十月。照額辦足。責令管河道查驗。如限內不能辦完。及有短少者。將辦事之員查明題參。工完核實。每百觔照七分報銷。○又覆准。嗣後辦料一百萬觔。限十日交工。二百萬觔。限二十日交工。



照數遞增。依限報完。如逾期不完。將承辦遲延職名題叅。○又覆准。各河同知。轉發各員承辦物料。取具分辨人員。照數領足價值印甘各結。申送查核。如無各結。卽將該同知侵扣短少之處查叅。汛官領銀。不能如數交足。查明題叅。分別治罪。○又覆准。嗣後採買歲修搶修物料。廳汛各官。互相秤收。印官分辨者。亦令廳官秤收。取具並無短少印甘各結存案。如有徇隱。卽將該廳汛官題叅。加倍治罪。○又覆准。預備料物。堆貯險工上流。編立字號。每堆以五萬觔爲率。

依限報查。倘有霉爛虧空情弊。卽將該廳汛各官查叅。仍著落照數賠補。○又覆准。嗣後各河同知承辦料物。於報明運完後。詳委就近賢員盤查。具結申送。如有短少。卽著承辦秤收之官分賠。倘盤查之員。瞻徇情面。照徇庇例叅處。短少物料。仍照盤查倉庫例分賠。倘盤查原係實貯。以後該員私行那移變賣。查出。將該員照侵蝕錢糧例。分別治罪。

凡土方木石工程。定例。築堤取土。或百丈外。或里餘。近者離堤二十丈。或十五丈外取土。每堆



大清會典 卷二百七  
土六丈爲一皮。杵三遍。礮一遍。層層杵礮。以期堅固經久。又挑河之土。卽取築堤。每土一方。價銀一錢二分。築堤。每實土三分。用礮夫一名。價銀八分。其河與堤。不兼算土方工價。○康熙十七年。覆准。宿桃山清安五縣。每土一方。給銀一錢五分。徐廬泰睢邳。每土一方。給銀一錢四分。定例遵行。○三十九年。議准。嗣後加幫之堤。將原堤重杵密打。再加新土。創築之堤。將平地杵深數尺。加土建築。務期堅固。不許近堤取土。亦不許挖民間墳墓。該道廳督率營弁。不時巡查。

如有前項等弊。卽將人夫懲處。仍將承築官揭叅。徇情不揭。總河察出。道廳一併叅究。○又議准。平常工程。向用龍尾埽。稀釘排椿。一遇風浪。卽行塌卸無益。俱行停止。○又議准。嗣後一切石工。無論馬牙梅花等椿。皆用整木深釘。無論面裏丁頭等石。鑿鑿務極平整。石灰重飾。用米汁搗杵膠粘。又用鐵錠鐵鈎聯絡。該道廳驗看。如違揭報。該道狗庇。一併究叅。該汛員弁黜究。○又議准。嗣後挖河之土。盡堆原估堤上。層層杵礮成堤。不許估計散土。以滋堆高假河之弊。



倘挑挖不深。以至引水淹漫。虛報淤墊者。除錢糧不准開銷外。以侵帑悞工題叅拏問。○又覆准。修理河工人員。有一定丈尺。令總河於接連交界處。立各石樁。上鐫號數。下鐫修理人員姓名。其舊堤亦立石編號。鐫明舊堤字樣。造冊報部。設遇衝決。無致推諉。○四十年。題准。嗣後估修石工。無論馬牙梅花等樁。土堅之地。用一木二截。土鬆之地。仍用一木整樁。○雍正三年。議准。嗣後豫省修築平易堤工。每土一方。給銀九分六釐。以爲定例。其險工取土甚遠者。該道察核酌增。不得浮冒。如不肖河員。以近土作遠土。捏飾冒銷。卽行題叅。

凡栽柳種葦。順治十三年。定。令瀕河州縣。新舊堤岸。俱種榆柳。嚴禁放牧。各官栽柳。自一萬株至三萬株以上者。分別叙錄。不及三千株。并不栽者。分別叅處。○康熙九年。奏准。於沿河州縣中。擇閒散人。授以委官名色。專管栽柳。三年。分別勤惰勸懲。○十五年。議准。河官種柳。不及數者。免其處分。成活一萬株以上者。紀錄一次。二萬株以上者。紀錄二次。三萬株以上者。紀錄三



大清會典 卷二百七  
三  
次。四萬株以上者。加一級。多者照數議叙。分司道官所屬官內。有一半議叙者。紀錄一次。全議叙者。加一級。俱於年底題報。○二十年。定。武職栽柳。照文官議叙。○二十二年。定。河官栽柳。成活二萬株以上者。紀錄一次。四萬株以上者。紀錄二次。六萬株以上者。紀錄三次。八萬株以上者。加一級。多者。照數議叙。其分司道官。因屬官栽柳。議叙之例。停止。○三十一年。議准。河道堤面。寬二丈者。留八尺爲行路。其一丈二尺。密栽細草。更於坦坡。俱栽卧柳。○三十八年。覆准。海州山陽地方。設立葦蕩營官兵。採割葦柴。每年額徵柴一百一十八萬餘束。以備修防河工之用。○四十四年。

諭。高家堰石工完者。准先與銷算。保固三年。免其賠修。堤根之下廢地。可諭河員。試令種稻。其餘除留取土搶修之地外。令捐栽蘆荻。以資工料。照例議叙。○四十九年。覆准。行令河南各州縣。責令堡夫。於官地之上。廣栽柳株。以備險工取用。○五十八年。覆准。海州山陽地方。蕩地淤墊。不產葦柴。栽汰葦蕩營官兵。省俸餉銀一萬八千餘兩。又淤地



大清會典 卷二百一  
墾種陞科銀四千餘兩。購買額葦足用。○六十年。覆准。河堤種植柳株。倘有將柳園地畝。墾熟耕種。私收籽粒。以致草漸稀少。動用錢糧購買葦束者。將失察之地方官。嚴叅議處。○雍正元年。議准。行令河南山東巡撫。飭近河州縣。及管河各官。將沿河空地查明。各捐資多栽柳株。每年將種柳數目。詳報上司。三年後。該督撫詳查報部。酌量議叙。如希圖議叙。強占民地累民者。卽行查叅。至河南向有柳株。年久恐有枯壞。應行查明補種。○三年。議准。凡管河分司道員。同

知通判州縣等官。於各該管沿河地方栽柳。成活五千株。紀錄一次。一萬株。紀錄二次。一萬五千株。紀錄三次。二萬株者。准加一級。種葦一頃。紀錄一次。二頃。紀錄二次。三頃。紀錄三次。四頃。准加一級。其有殷實之民。栽柳二萬株。種葦四頃。准其頂帶榮身。至効力各官。有情願捐栽柳葦者。亦照此例議叙。倘有不肖官員。希圖議叙。占種民地者。查明題叅。從重治罪。又各處河營。每兵一名。每年種柳一百株。若不能如數栽植者。將專汛之千把總。罰俸一年。守備。罰俸半年。



大清會典 卷二百一  
倘栽植不及一半者。專汛之千把總。降一級。暫留原任。帶罪補栽。守備。罰俸一年。○四年。覆准。海州山陽地方。蘆葦叢生。復設葦蕩營官兵採割。除照舊額一百二十萬束外。再加三十萬束。以佐工用。○五年。覆准。行令河南沿河州縣等官。檢查地冊。會同廳汛。將現存柳園。并從前坍塌及新淤地畝。逐一清查。確丈立界。如有隱占。撥補還額。廣為栽植。

凡浚柳船隻。康熙十七年。議准。江南設大小浚柳船五百三十二隻。分隸八河廳營。駕運料物。

○三十一年。議准。浚柳船隻修理年限。准照驛站船定例開銷。自成造之年起算。三年給以小修。再歷二年。卽係五年。准其大修。○雍正五年。議准。南河浚船。寬長丈尺式樣。令總河開送豫省。每汛照式造浚船五隻。修理年限。悉照南工定例。如河兵不加照管。致有損壞。著令該管廳汛賠修。

凡河樁。康熙四十二年。

諭。洪澤湖風浪危險。每致損壞船隻。居民攸關。著於沿湖坡釘樁木。以廣救濟。○四十三年。覆准。洪澤湖風



大清會典 卷二百一  
浪危險所釘樁木。交與地方官隨時搶修。以垂久遠。○四十四年。

諭。高家堰酌量險要之處。再添建救生樁木五處。需用錢糧。著估計具奏。○又

諭。高家堰簽釘救生樁木。救活人命。甚有裨益。但釘過六處。係險要之地。其脫空之處尙多。以全湖俱釘救生樁木。約需銀五六千兩。朕於內帑節省之銀。發往修建。務使救濟民生。不必動部撥錢糧。○四十六年。覆准。高堰山盱二汛。修建救生樁工。嗣後如有損壞。應修理之處。交與該督隨時設法修理。○

四十七年。

諭。朕南巡閱河時。見洪澤湖風浪危險。堤岸陡立。商民船隻。觸石損壞。傷人甚多。朕心時切軫念。因特令河臣。沿湖堤岸。設救生樁木。自設樁以來。數年內。並未損船傷人。於商民大有裨益。此樁時加增修。愈多愈善。嗣後著江寧蘇州杭州三處織造。每歲於節省銀內。各解五百兩。送至總河衙門。以備救生樁之用。該督逐歲修理存案。不必入奏銷。如不實行修理。於別項支用者。從重治罪。



雜禁

凡閘壩湖泉處所禁令。順治五年。覆准。安山南  
 旺兩湖。地經成熟陞科者。仍聽民佃種。其餘湖  
 地。不許開墾妨漕。永著為令。○又覆准。河南衛  
 河。每年二三月。聽民用水。四月以後。即將閘板  
 盡啟。渠口堵塞。以濟運道。○九年。覆准。沛縣湖  
 田。禁民種墾。令蓄水濟漕。○十七年。議准。諸王  
 貝勒大臣家人。官民人等。不許決引泉水灌田。  
 違者。指名叅究。○康熙十年。覆准。天妃閘下。黃  
 河倒灌。直入運河。天妃一閘。不能下板。漕河淤



墊就原基後建福興一閘。啟一閉二。以還漕規之舊。毋得阻滯商民船隻。○二十三年。

諭。漕運關係至重。但直隸河南之民。資藉衛河水利亦多。若水口盡行堵塞。不使稍濟田畝。一遇乾旱。則環居之民。必至艱苦。又部議自漕船過完。方令照舊流通。耕種自有定時。如漕船過完。方許灌田。於田禾究竟無濟。其可行乎。其作何使衛水可資漕運。兼不悞民田灌溉。著該撫會同確議具奏。遵

旨議定。豫省河內輝安三縣農務在三四月。糧船照數抵臨之期。約在五月。每年自五月初一日起。將

閘板封閉。盡堵渠口。毋致旁洩。如經管官員。陽奉陰違。不封板堵渠。以致漕船阻滯者。降一級調用。該管官罰俸一年。巡撫不行查叅。罰俸六個月。○二十八年。覆准。高郵州等處減水閘壩。概行堵塞。恐妨運河。仍照舊於四六兩月。隨時啟閉。○二十九年。覆准。北河一帶。水勢微弱。令總河將南旺湖早為開放。以利糧艘。○又覆准。漕河開堤遲。則稽重運。煞堤早。則阻回空。嗣後每年定於十一月十五日煞堤。正月二十六日開堤。○三十年。覆准。河南河內縣丹河發源太



行山。至丹河口。分渠九道。內惟小丹河。上秦河。二渠。通衛濟漕。嗣後如雨水霑足之年。於三月初。用竹絡裝石。橫塞河渠。使水歸小丹河。入衛濟漕。留涓滴之水。溉地。至五月底。重運過完。則放開河渠。塞小丹河口。以防山水漫溢。倘遇亢旱之年。三月初一日起。至五月十五日止。令三日放水濟運。一日塞口灌田。以後聽從民便。至輝縣束刀泉。爲衛水之源。民間設五閘以蓄水灌田。舊例於五月初一日。封板放水濟運。但五月正農人需水之時。嗣後量渠口之高下。用竹

絡裝石堵塞。使各渠之水常盈。則正流可以濟運。餘水亦使得以溉田。其安陽縣之萬金渠。亦令照束刀泉五閘之法。用竹絡裝石。相時塞閘通渠。務使民漕兩便。○四十四年。覆准。南旺湖涸出灘地。令該督轉飭地方官。嚴行禁止。不得違例耕種。盜決堤岸。致妨漕運。○雍正元年。

諭。歷年漕船遲滯。皆由運河阻淺。運河之水。全賴山東諸湖。蓄水以資灌注。近歲諸湖漸就淤積。附近居民。或占成田地。以致水少。不能引以濟運河。今宜乘夏秋雨水之時。預爲蓄水之計。及今不圖。明



大清會典 卷二百七  
年重運。必致仍舊艱阻。爾諸臣應各留心相度。凡沿河近地。已經成田者。不必追究。其未經耕種者。當湖水稍落時。速宜嚴禁。不可仍令侵占。至諸湖隄防。預須修築堅固。引河閘座。務須啓閉得宜。則湖水深廣。運河自然流通不竭。將來漕艘無阻滯之虞矣。遵

旨議定。東省諸湖。未經耕種者。俟湖水稍落。速行丈量。樹立封界。嗣後如有仍前侵占。一經查出。將沿河該管地方各官。指名題叅。如該上司徇庇隱匿。將該管之上司。並督撫。一併嚴加議處。至

應修應築之處。委沿河各官料理。無悞重運。倘少疎忽。著該督嚴叅。○二年。議准。小丹河辛勾口。至清化鎮各水口。并輝縣束刀泉五閘。安陽縣之萬金渠。及洹河之閘。令該撫嚴飭河員。不時疏濬。仍遵舊制。三日放水濟運。一日塞口灌田。於糧船趲行回空之期。該河員親至水口。秉公啓閉。將水勢情形。設立循環號簿。五日一次。報明該管印官。仍嚴禁偷放。如不肖之員。通同賣水。以致漕船阻滯。卽行指名題叅。嚴加治罪。○又覆准。南旺。臨清。均屬漕運咽喉。仍遵舊制。



一年一小挑。間年一大挑。於十一月內煞壩。一面興修。一面確估具題。務於正月內完工。或因回空過遲。亦必催趲於正月內挑挖完竣。無悞重運。○三年。覆准。山東汶上縣新河頭。係馬踏湖入河濟運之處。將土壩改設閘座。啟閉。

凡運河禁令。順治二年。定。旗下兵船。不許零星啟閉。致妨漕運。○七年。覆准。河道船隻。雖係進貢。及裝載大兵。不得擅行啟閉。以悞漕運。○十三年。覆准。南旺。臨清。大挑。及各處河官。挑本境淤淺。築壩未開之前。預頒清字告示。禁止一切

滿漢船隻。不許先期逼勒開壩。以悞工程。○又覆准。申明閘座啟閉禁令。先放糧艘。次放官商民船。如有恃強啟閉。洩水悞漕者。指名題叅。○康熙二年。覆准。凡差遣。及赴任官員。定有限期。令糧船讓路。○又定。禁止糧船。及商民船。不許立纛樹旗。張樂鼓號。○又定。差船到閘。隨漕啟閉。有攙越漕運者。照例叅處。○四年。河臣請嚴河閘啟閉。奉

旨。其有奉緊要勅旨差遣者。著照前行。如糧船商船齊到閘口。糧船先過。商船繼過。如糧船未到。商船先到。



大清會典 卷二百一  
三  
開官勿得指稱糧船將到。强行攔阻。仍著放過。若有  
强行攔阻者。事發從重治罪。其一應往來各官船上。  
立有欽差牌匾。著永行停止。如此等官員船隻。借名  
緊急。擅行啟閉。於糧船之前爭先者。著督撫指名題  
叅。○又議准。凡內外顯要官員。多置船隻。縱容家人  
於漕運河道。往來貿易。奸棍假借名色。恃強闖  
開。及

欽差赴任官員。額外私帶貨船者。河道等官指名呈  
報河漕總督叅處。河道等官徇情不報。一并題  
叅。如已呈報。而總河總漕徇情不舉。事發。一併  
治罪。○十一年。題准。運官停泊漕船。不聽督催。  
陵辱開官。責打開夫。帶去開板。洩水悞漕者。革  
職究擬。○二十一年。覆准。運河淺澁。漕船定有  
程限。各處兵船。行至開河。務隨漕起。閉行泊。如  
有扭鎖掀板。任意爭鬪者。該督指叅。領兵官嚴  
加議處。○三十五年。

諭。山東漕船遲延者。乃不得過開。以致遲延。訪聞大臣  
船隻。及緊要事務。不候開水溢滿。卽著撤板過開。小  
船不候水滿可行。漕船不能行走。必候水滿。故致遲  
悞。著差官帶領戶部印封。前去封固開板。須俟水滿



大清會典卷二百七  
開閘著漕船行走。雖是奉旨緊要事務。如水不滿。亦不許開閘。果有緊急。陸路可以行走。凡朕內廷需用之物。俱停解送。○又

諭。自通州以至大通橋。民船不行。具有禁令否。今若令小船行走。於民似有裨益。著戶工二部會同倉場侍郎會議具奏。遵

旨議定。嗣後通州至大通橋。應令民船貿易行走。若遇緊急糧船之時。將貿易小船暫行禁止。交與通惠河專管倉場衙門巡查。又奉

旨。打魚牛舌頭船。亦著行走。○二十九年。覆准。裏河淤墊。俟糧船過盡。卽煞壩挑濬。一切差使。暫由陸行。○四十四年。

諭。運河各閘。照依漕規啟閉。有官員經過。不許徇情擅自開放洩水。以致漕船稽遲違者。朕決不宥。○四十五年。

特遣官員往運河視閱封閘。

諭。漕運關係重大。今年水淺。自臨清至天妃閘。七八百里。一時盡封。則不利於商人矣。當從上流封閘蓄水。俟水滿後再開一閘。糧船過。其他船隻。不許混放。○五十二年。覆准。漕船過閘。務按漕規啟閉。齊幫



打放。則水勢充足。不致遲悞。至於水漲開溜。撞沉搶修。乃意外間有之事。均准於單內註明。務於八月內。全數卸完回空。如逾定限。倉場題叅。○五十四年。

諭。大挑動工之日。一應往來船隻。概行禁止。滿洲兵船。回空糧船。有恃強開壩者。著拏解究處。仍預發清字告示前去。○雍正二年。

諭。運河之設。未嘗禁商船之往來。但水小時。則加意管束。水大時。則商船行走。京師百貨。俱取給於東南之商販。今若嚴禁。則各種載船。必然一概阻滯。商賈安能流通。於民生日用。均屬未便。遵

旨覆准。令總漕。總河。直隸。山東。河南。各督撫。檄飭沿河地方官弁。遇有販穀商船。許其於漕船先後乘隙而行。毋許漕船攔阻。亦毋許商船擁擠。倘有販穀商人。與旗丁私相貿易。盜賣漕糧。或互相爭鬪者。該地方官。卽行嚴拏治罪。



大清會典卷之二百七

大清會典卷之二百八 工部都水司

河渠七

水利

凡各處陂堰池塘堤渠圩濼蓄水灌田有利於民者有司歲時修築其有興復創修該督撫具疏奏請○順治十五年定圩岍壩堰陂塘令巡按行府州縣官常行體勘境內有圩岍壩堰陂塘溝渠塌缺壅塞務趁時修築堅完疏濬流通以備旱澇毋致有傷禾稼亦勿得擾害於民○康熙十九年



大清會典 卷二百八  
諭直省督撫令所屬有司先事修防疏通川澤以備水旱。

畿輔水利

定例趙北口等處緊要堤橋不行豫修以致衝決損壞者府州縣官各罰俸一年巡撫罰俸六個月○順治九年遣官修理石經山以南至蘆溝橋一帶決口○又

諭大修畿輔各府決口動支戶禮兵工四部錢糧克用

○十二年

命通惠河分司修築要兒渡決口○十三年修築薊州

玉田豐潤三河四州縣決口○十四年再修

畿輔堤岸○十五年修築內河邢家口白馬灣殷

家洄流棉花市龍王廟五處決口○康熙元年

大修

畿輔堤岸○又

諭八旗都統及有司官不時稽察嗣後堤岸決壞之處其田土係旗下者都統督旗下人自行修築係民者有司官督民自行修築永定爲例○七年題准蘆溝橋堤岸衝決動帑修築○又

諭禁止渾河堤岸處所莊佃私開溝口○又題准霸州



大清會典 卷二百八  
等處堤岸衝決。動帑修築。○八年。覆准。渾河堤岸。禁止車行。責令巡撫。及駐劄都司。派員管理。工部。春秋二季。巡查。遇有衝毀。報部修築。○十二年。濬玉泉山一帶河道。增修高粱白石諸閘。○二十一年。修築石經山。至蘆溝橋一帶堤岸。○二十六年。議准。直屬旗莊田地堤岸。令旗民互助協修。該州縣會同屯領。催酌量令其取土修築。○二十九年。建玉泉山石閘一座。挑濬河道。○三十年。通州北沙河閘座。被水衝毀。工部差官修理。○三十二年。修復霸州苑家口傾

圯舊堤。○三十三年。修濬霸州等處子牙堤河。靜海。大城。雄縣。任邱。堤岸河道。○三十五年。堵要兒渡決堤。濬沙洲河。添築板罾口堤十二處。○三十七年。覆准。清河設立管河同知。及州判。縣丞。主簿。各官。三年滿日。果能勤敏稱職。照永定河之例。該撫保題到日。以應陞之缺。卽用。○三十九年。大修

畿輔各州縣清河。子牙河

欽堤民堤。共長一千五百二十餘里。○又覆准。嗣後漳河堤岸衝決。將巡撫。照總河例議處。分司道



大清會典 卷二百八  
三  
府。照催督等官例議處。同知等官。照承修官例  
議處。○四十年。起良鄉之老君堂。莽牛河。至沙  
堤。開小清河一道。引水入永定河。○四十九年。  
石經山堤工。動帑交永定河分司。會同工部修  
理。○五十二年。

諭。石經山堤工。關係甚屬緊要。若交與永定河分司兼  
管。則駐劄迢遠。難於巡查。著仍照前派遣部員。防守  
修理。著堂上官員。不時巡查。倘有坍塌之處。卽行奏  
聞。○雍正二年。

諭。石經山渾河堤工。甚屬緊要。著詳勘修理。○四年。  
特命親王大臣。查勘直隸地方。自四年爲始。節次興  
修。

畿輔水利。奏准。直隸之水。經流有三。北爲白河。卽  
北運河。南爲衛河。卽南運河。其匯

畿輔西南六十餘河之水。爲巨浸。東至直沽。合白  
河。衛河同入海者。爲淀河。又淀之下流。南來者  
爲子牙河。北來者爲永定河。皆水濁泥多。橫激  
壅淤。爲淀河患。故淀治而水利興。然必河治而  
淀乃就理。向患永定河濁流。由勝芳河之西。奔  
騰南下。今自范蠡口。別開長洵河一道。面寬十



五六丈。深四五尺不等。長三十餘里。引渾水遶王慶坨之東北入三角淀。直趨而東。俾濁水無復南流淤淀。又東安武清。地當濁流之下稍。每苦泛溢。今由柳坌口至韓家樹三十餘里。築堤以防其衝。子牙河爲滹漳滏陽大陸諸水下流水迅泥多。今將兩岸之堤加高培厚。束其流。使不得盪激衝決。由大城之王家口入淀。借淀河清流之力刷之。使河流之泥沙不致淤淀。○又週淀舊有

欽堤一道。廻環千里。自康熙三十七年修築之後。幾三十年。日漸圯壞。一遇暴漲。衝決漫溢。今自清苑以下。文安以上。凡堤身低薄殘缺之處。悉爲加高增厚。修治補葺。建閘設壩。鑲以椿葦。堅以夯礮。又開張家嘴勝芳河以瀉其流。俾不至會同玉帶諸河侵齧堤根。又苑家口河身逼窄。每致漫決。濬中亭河十望河以洩其漲。又柴火淀在其上游。急流直衝堤岸。開口頭村引河。掘張青口毛兒灣等處。導歸中亭。以緩其勢。分其溜。俾

欽堤鞏固。一勞永逸。○又莽牛河爲白溝支津。雨潦



則溢而東決。日久衝溜。自成河形。下無所歸。泛濫田野。固霸諸邑患之。濬治良鄉以南。經涿州。固安。霸州等處。一百七十餘里。令河身寬深。至高橋以下。導之入淀。而白溝之暴漲可減。○又新安當漕。雹二河之衝。廬舍時遭漂浸。自三台村以南。開引河一道。使漕河入雹。雹河入淀。則上流諸水。不致泛溢。又於新安城北築堤二十餘里。以護縣治。建姜石嘴閘。俾小殷淀大殷淀等處。營田旱澇有備。○又高陽豬龍河。自柴淀口。河身南徙而後。舊河斷流。新河界連任邱。藉堤爲障。近復決。螭螂口而東。而任邱西北村莊。盡被淹浸。鄭州一帶通衢。往來病涉。今築攔河壩。障之使西。挑車道口。引流歸淀。堵築螭螂放水諸口。以斷其流。涸出任邱被淹之地。俾民復業。又於任邱之棗林莊等處。高築行道十餘里。復開王村順子口。消南來之積水。以便南北行人往來。○又雄縣之趙北口。爲西淀咽喉。舊有堤長七里。橋共八座。今增橋爲十一座。并以木易石。其橋空。各浚深丈餘。使寬暢深廣。水勢順流。直達柴火淀而東下。俾河流無滯。淀淀貫通。



○又京南以滹沱河爲大澤。綿亘千有餘里。時  
決時淤。其次爲任縣泊。卽大陸澤。次爲寧晉泊。  
卽河薄落。皆爲巨浸。並匯於滏陽河。自滹沱闖  
淤。河高於泊。入滏之路。惟雞爪河一道。不足以  
消全泊之漲。而穆家口爲二泊傳送之口。淺隘  
不能暢流。以致任隆士民。構訟歷有年所。今並  
挑挖疏濬。令深至八九丈不等。廣至八丈有餘。  
長至三十餘里。又築堤於邢家灣。以防其決。濬  
深王甫隄橋之下。以舒其流。一泊涸出之地。盡  
成膏腴。復展挖營上村黃兒營等處。從此泊之

會於滏陽者。下流無滯。○又南運河自衛汶合  
流之後。南高北下。勢如建瓴。德棣滄景之間。春  
則淺阻。伏秋則暴漲。漫決隄岸。滄青之間。舊有  
磚河與濟二閘。乃昔年分減衛水之故道。河形  
宛然。閘石現存。於滄水之磚河石閘。改築減水  
壩一座。長十四丈。寬二丈四尺。高一丈二尺。又  
循舊有河形。開鑿深廣。面寬六七丈。深七八尺  
不等。卽以刨河之土。兩岸疊爲埂埝。紆迴東下。  
計二百餘里。又於青縣之興濟。因其舊有河閘。  
改築減水石壩。挑挖河身。其閘壩之工料規模。



大清會典 卷二百八  
河道之寬深丈尺。沿河疊土爲埝。一如滄州之  
磚河。計百有餘里。與磚河合流。入白塘口。歸於  
海。俾運河安穩。漕艘順利。○又北運河爲白河  
下流。伏秋迅漲。每苦決衝。香河寶坻在其東岸。  
一遇潰漫。二邑並受其災。於運河之東。開鮑邱  
窩頭二河。以防運漲之漫溢。且以洩通薊一帶  
北來山水。又於香河所屬之牛牧屯。斜築長隄  
一道。障其上流。使不東溢。西爲武清。跨運河兩  
岸。地土平行。雨潦無歸。田廬被其瀾漫。堤內舊  
有鳳河一道。日久斷流。淤爲平陸。今循其故道。

自高閣莊至墩上村一百二十餘里。開濬寬深。  
由大河頭南。引流入淀。俾堤岸永固。積水有歸。  
東坵筐兒港。舊有減水石壩。底高口狹。宣洩不  
暢。今改寬閘面六十丈。改低金門五丈。其減水  
河身亦酌加深廣。俾堪容納。東下百里。以七里  
海爲歸。七里海亦加挑挖。使無壅淤。容蓄廣而  
尾閘舒。水之朝宗者以遂。○又還鄉河。卽溲水。  
委折蛇行。舊有三灣九曲之稱。河道狹而堤堰  
卑。東決則淹豐潤。西決則淹玉田。今於劉欽王  
木匠等莊。河身之狹者寬之。曲者直之。修築堤



工之殘缺者。且拓廣而加高之。俾水不旁溢。兩  
邑無衝漫之患。○又議准。灤薊天津文霸任邱  
新雄等處。各專設營田之官。行文江浙二省。召  
募老農。每省各送三十人。每月酌給工食糧米。  
令課導耕種。如不敷用。再行召募。所召募之農  
夫。俟本地之人耕種得法。令其回籍。小民力不  
能耕者。官給錢糧。經理牛種。秋成後。歲收十分  
之一。俟足額而止。有力之家。率先奉行。以圩  
田多寡。分別獎賞。其出貲代人營田者。民則一  
體。分別旌賞。官則分別議敘。仍歲收十分之一。

歸還原本。其官田數萬頃。分地遣官。會同該地  
方官。首先舉行。為民倡率。其濬流圩坵。以及瀦  
水節水引水。屏水之法。倣照成規。各因地畝形  
勢。次第興修。所需農器水車等物。亦行文江浙  
二省。各送匠人五名。教導本地匠人。依式造作。  
比召募老農之例。一體支給工食糧米。俟本地  
匠人造作如法後。令其回籍。其民間田舍。有碍  
水道者。計畝均攤。通融撥抵。視本田畝數加十  
之二三。其河淀淤地。已經成熟陞科。而必須開  
挖者。將附近官田。照數撥補。有抗違者。照例治



罪。○又議准。直隸河道。分爲四局。南運河與臧家橋以下之子牙河。苑家口以東之淀河。爲一局。令天津道就近管理。舊有天津同知泊河通判。及各地方管河同知通判縣丞主簿等員。悉歸統轄。永定河分爲一局。將永定河分司。改爲河道。駐劄固安縣總理。其沿河州縣。各添設縣丞主簿等員。以資分防。除所有同知一員之外。將向來効力人員。一概撤回。運河分爲一局。撤去分司。歸通永道兼管。其管河州判等官。悉歸統轄。苑家口以西各淀。及

畿南諸河爲一局。將大名道改爲清河道。移駐保定府。舊有管河同知通判州判縣丞主簿等員。悉歸統轄。各處水田溝洫。令各道員督率所屬州縣。按時修浚。定爲考成。道員錢糧有無冒濫。工程有無修廢。悉歸直隸總督考核。所有永定河歲修錢糧一萬五千兩。仍解道庫。各道俱照此數。歲撥司庫地丁錢糧存貯道庫。以資修理。倘有不敷。題請再撥。統於年底報部。○又議准。直隸河道。子牙河及天津以南運河新修工程。俱照運河例。定限保固三年。北運河工程。較之



永定河稍平易。較之南運河則為險要。立限保固二年。倘限內衝決。照例著落承修官賠修。至於歲修工程。現今四道各有額設銀兩。其應增應減之處。俟一二年經試汛水之後。酌量定數。

永定河

直隸各河。永定工程最為緊要。比於黃河。故另列焉。

康熙三十七年。以渾河之水。自蘆溝而下。並無堤岸。

畿輔州縣。歷年被患。

特命大臣管理。

指示方畧。起良鄉之張客莊。至東安之郎城。開河一道。

築南北堤。束水歸淀入海。

賜名永定河。設河官。河兵。預備歲修物料。以垂永久。○

又定直隸永定河工。照黃河一例修理。召募河夫二千名。夫役工食。照江南河兵錢糧例給發。每年挑濬淤淺。緊要大工。將民夫僱用。沿河空地。酌量分給河夫耕種。○又奏准。將房山等十二州縣錢糧。兌解永定河分司衙門。給發河兵預備工料。○又覆准。管理永定河郎中。俟三年



大清會典 卷二百八十八 工部十二 三  
滿日。果能稱職者。該撫保題到日。以應陞之缺。卽行陞用。○三十八年。覆准。郎城河口淤塞。開郭家務新河。○又覆准。房山等十二州縣。應解永定河之銀。嗣後照依十分分數。定爲三限。每歲三月內完解四分。六月內再完解四分。至九月內全完。起解分司衙門。以濟修防之用。遇有蠲災缺額。呈報撫臣。卽於守道庫貯銀內。照數撥給。如遲悞違限。照河銀考成例議處。○三十九年。覆准。永定河工程。刷岸太甚者。間下大埽。其一概下埽。以四。五。六。七尺爲度。至捲埽工料價值。如有虛浮。察出叅處。其捲埽純用物料。撒土無多。暗行侵冒。該撫卽行指名題叅。○四十年。覆准。永定河兵二千名。裁去一千二百名。留八百名在工。若工程緊要。僱募附近民夫應用。○又議准。有河地方。府州縣官。原有兼管河道之責。永定河工程。令兼管防守。○雍正元年。議准。郭家務以下。堤窄水急。保固維艱。所派看守之筆帖式。如果看守無過。該分司據實詳報。巡撫。巡撫奏。

聞。交吏部工部核實。照工程平險。分爲三項議敘。郭



大清會典 卷二百八  
家務以下。准以三年議敘。北岸。准以四年議敘。郭家務以上。地勢寬衍。易於隄防。准以五年議敘。如有本身捐埽効力者。量其所捐多寡。另行議敘。其修築工程。務令本工筆帖式。親身修理。再。河工形勢。一處衝決。則水勢易洩。別處堤工。自保無虞。嗣後如有一處衝決。卽將五處看守人員。停其當年議敘。郭家務以下等處地方。遇大水泛漲。若致衝決。應將所費錢糧。作爲三分。分司同知。及在本工之筆帖式。賠補。郭家務以上工程。有一處衝決者。亦應照郭家務以下險

工處衝決之例。分派著落賠補。亦不准當年議敘。○三年。議准。嗣後永定河工程。如遇緊要險工。一面興修。一面具題。其歲搶工程。亦令先行題估。工完題銷。至分司同知。倘或發銀不實。管工各員。辦料不足。有出具空領等弊。該督卽行查叅。從重治罪。○又議准。永定河素有平易工程。預備物料。其長墊銀。不准報銷。如工險水大。飛報總督。委官確勘。卽將預備物料撥用。工完題銷。其長墊名色。永行停止報銷。○又議准。永定河河兵二千名。康熙四十年。題裁一千二百



名。每工揀存三十名。現存八百名。今於八百名之內。減去二百名。若遇緊急工程。人不足用。另行僱夫應用。○又議准。嗣後永定河筆帖式缺出。令各部院衙門。揀選發往。仍取該旗都統家道殷實印結。如有希圖限滿卽陞。假冒家道殷實者。該督查出題叅。從重治罪。並將揀選發往之上司。出結之都統。叅領。佐領。驍騎校。一併交部議處。○又議准。防守修過堤岸。乃分管官員之責。如鼠洞衝決。卽著落該管官限日賠修。如限內不完。及工程不堅。卽將該管官叅革賠修。至分司。同知。有盤查之責。倘有指舊作新。捏報情弊。卽將該管官叅革賠修。仍令失察之分司同知。分賠修理。○又議准。永定下埽淤沙。以至衝決。嗣後遇水枯之時。卽遴委幹員。會同分司。確查應挑之處。將工程所需銀數。造冊具題。據實題銷。倘有捏稱淤沙。希圖冒銷情弊。該督查叅。嚴加治罪。○又議准。嗣後永定河查勘工程。該督遴委練達老成官員。據實查勘。如有徇隱情弊。一併題叅。○五年。議准。永定河新修工程。照黃河例。定限保固一年。



凡內外河差。康熙七年。

勅工部。察看在京內外河渠。及時疏濬。○十一年。差滿司官二員。漢員外郎二員。筆帖式四員。鑄給關防。分管內外河道。二年更代。

皇城京城諸河。屬內河。大小橋閘五十六座。設閘夫二百五十名。玉泉山起。至高梁橋。屬外河。大小閘十一座。設閘夫一百名。專司啟閉。沿河巡察。如有盜決河水。毀壞橋閘。圍墻。及拋棄糞土者。查拏糾叅。有失巡察者。題叅。交吏部議處。○十三年。題准。滿漢司官。不拘郎中員外郎主事。

一體差遣。照街道差例。一年更代。○二十一年。停內外河差。歸併都水司管理。○二十四年。議准。內外河橋閘。工部與奉宸苑協同管理。其閘軍。交奉宸苑管轄。○三十九年。題准。內外兩河分司。係工部會同奉宸苑官員辦理。俱有經管錢糧。於工部官員內。揀選引

見派出。一年差滿更換。○四十四年。奏准。內外河橋閘。停其每年交與分司修理。嗣後隔五年。修理一次。○雍正三年。大修京城內外溝渠。奉

旨。交步軍統領。內務府大臣。動用工部錢糧。派內務



大清會典 卷二百八  
五  
府官監修。○四年。設立水利營田府衙門。

命親王大臣總理。設滿漢司官各四員。經歷一員。

直省水利

順治九年。修復江南練湖。○十五年。修築浙江海鹽縣捍海石塘。併令歲一修葺。○十七年。修築江南當塗高淳兩縣廢圩工成。名曰忠惠圩。仍令有司不時培護。○又修貴州黔河。併四川灌縣都江大堰。○康熙三年。浙江海潮衝壞沿海塘堤。修海鹽海寧兩縣石塘禦之。○十年。開蘓屬劉家河。松屬吳淞江。以洩太湖。俾由故道

入海。○又雲南雲津河衝溢。增南城外石橋二洞。以殺水勢。○十一年。濬江南吳江長橋一帶。以洩太湖。○十二年。修復河南安陽縣萬金渠。引洹水灌田。○十九年。江南水患。淹沒民田。疏濬白茅港孟瀆河。築壩建閘。又修七了河一帶。併開福山港。三丈浦諸河。○二十一年。濬蘓屬支塘。至新市舊河。仍令歲修蘓松河道閘壩。專任蘓松常道。年底造冊報部。○又修雲南城外金汁諸河。及舊廢閘壩。○二十六年。修築浙江海鹽漫決塘堤。○二十七年。修雲南松華壩。及



金汁等六河閘壩。引水資昆明各縣灌溉。○二十九  
十九年。江南沿海石塘坍塌數百餘丈。飭地方  
官堅固修理。○又修復山東郟城禹王臺舊址。  
遏沭水使由故道。以免沂郟。邳宿嶧水患。○三  
十三年。覆准吳淞水利。飭令江水經由地方各  
官。每年秋冬水涸時。各加疏濬。不致上流泛濫。  
○又山東小清河漫溢。新城高苑諸縣。多被淹  
沒。築青沙泊南堤。并挑孝婦河。俾會清河水入  
海。○三十九年。議准湖廣素稱澤國。全賴築堤  
高厚。責令地方官。於每年九月興修。次年二月  
告竣。如期堅固修築。若修築不堅。以致衝決。將  
該督撫。照總河例議處。道府。照督催官例議處。  
同知等官。照承修官例議處。至修葺原照糧役  
夫。如有衿棍土豪。抗違包折。該督撫查拏題叅。  
照光棍例治罪。○四十三年。挑濬戴村壩淤塞  
舊河。築和尚林越堤。逼水仍歸故道。以免東平  
州等處水患。○四十七年。疏濬浙江杭嘉湖三  
府淤淺港澗。建閘六十四座。○又濬江南蘓松  
常鎮各處支河港蕩。修建新舊閘座。以資灌溉。  
○四十八年。開濬寧夏宋澄堡。李洋堡。二渠。引



大清會典 卷二百八  
黃水助塘渠灌溉。造木石閘壩十三座。因時蓄洩。○四十九年。濬江南徐邳境內房亭等河。○又築湖南常德府大圍堤。令地方官專管修理。○五十一年。修平湖海鹽海寧三縣海塘。○五十二年。海寧露陽兩字號石塘衝陷。隨加修築。○五十四年。建山陰縣石塘。以禦海塘。○又

諭。江堤與黃河堤埝不同。黃河水流無定。時常改移。故特設河官看守。江水並不改移。故止交與地方官看守。如江水倘一泛漲。亦非人力能保。湖廣堤岸。引黃河看守堤工例。議處地方官員之處。著詳查另議具

奏。遵

旨議定。嗣後湖廣堤岸衝決。將三十九年議定之例停止。照趙北口等處例處分。府州縣官員各罰俸一年。該撫罰俸六個月。○五十五年。築廣東海康遂溪二縣圍堤。以衛洋田。○又修楚省荆漢二江堤埝。○五十七年。修海寧石塘。并坦水土塘。開濬備塘河一道。○五十八年。修治江西臨江府北土橋老堤。以扞清江。豐城高安三縣田廬。○五十九年。建築海寧縣老鹽倉石塘。挑中小豐淤沙。俾復江海故道。又建上虞縣夏蓋山



西石塘。○雍正元年。議准。東南州郡。如江南浙江等處。地方膏腴。田皆近水。而旱資灌溉。潦資洩瀉。全在水利。令各省督撫。轉飭各州縣衛所官。確查大小河道。如有淤塞者。卽行設法疏濬。務期實濟。○二年。開濬浙江西湖淤淺。俾復舊址。并疏上下兩塘。資仁和。錢塘。海寧。三縣民田灌溉。○三年。修築浙江餘姚。上虞。會稽。海寧。海鹽。五縣海塘。○又修江南華婁。上海。嘉定等縣沿海土石塘工。○又開濬山東小鹽河淤塞。使舊河通而水有歸。○四年。開寬河南百泉東西民渠口門。以資灌溉。洹河自石橋第十洞處。每歲築石子壩。開渠引水。其西三十三洞。盡行疏濬。○又小丹河上下。開寬秦渠。董下渠。各建分水渠口。灌田。堵塞小丹河內。分灌民田之十六口門。○又疏濬山東膠萊新河。以資兩岸民田。○又開通鬲津趙牛等河。其濮州之魏河。聊城之洩水河。并行挑挖。○又寧夏插漢托合地方。開渠築堤。建立閘座。以資水利灌田。○五年。諭。據湖廣總督奏。稱荊州地方。沿江堤岸。例係民堤。民修。今請動用耗羨銀兩修築。令監修防護等語。



朕思耗羨銀兩亦係小民脂膏。凡地方應修工程。於民生實有裨益者。卽當動用帑金辦理。不必取給於耗羨。但此處旣係民堤。若修理之後。卽算欽堤。則凡遇隨時補葺之處。小民不敢干涉。轉致疎忽。且恐頑劣之民。恃有朝廷歲修之例。不肯用心防護。以至潰決。害及田廬。而民受其累。此等之處。皆當預爲籌及。荊州沿江堤岸。著動用帑金。遴委賢員。監督修理。修成之後。仍算民堤。令百姓加意保護。隨時補葺。俾得永受其益。○又

諭。朕聞得陝西鄭白渠。龍洞。向來引涇河之水。溉田甚廣。歷年旣久。疏濬失宜。龍洞與鄭白渠。漸致淤塞。堤堰大半坍塌。醴泉涇陽等縣水田。僅存其名。深爲可惜。朕特令該督詳勘興修。今據該督親勘。奏稱龍洞急宜挑挖。鄭白渠務當疏濬。更須修築堤堰。建設閘口。以俾堅久。已於西安布政司庫貯公用羨餘銀。先動一千兩。委員將龍洞鄭白渠。及時挑濬。其建閘工料。約估銀七千兩。請亦於司庫存貯羨餘銀內。動用等語。朕惟興修堤堰。乃於民生大有裨益之事。著動用正項錢糧。俟一切工程告竣。造報工部查核。務期渠道深通。堤堰堅固。俾



大清會典 卷二百八  
農田得以永賴。以副朕保惠元元至意。○又  
諭。地方水利。關係民生。最爲緊要。如江南戶口繁庶。  
宜更加修濬。時其蓄洩。以防旱澇。向來屢有條奏  
之人。但未經本省督撫奏請。朕意亦久欲興修。以  
資農務。因海塘工程。正在營治。且水利事關重大。  
必得實心辦事之人。方有裨益。我

皇考念切民依。周知稼穡。因康熙四十六年。巡省江浙。  
所至必細驗水土燥濕高下之宜。詳考五穀種植  
之性。躬親講求。將附近太湖及通江潮之處。條分  
縷晰。特頒

諭旨。令江浙督撫。於蘓松常鎮杭嘉湖地方。疏濬河港。  
以資灌溉。修建閘座。以便啓閉。皆動用公帑錢糧。  
不使絲毫出於民力。恩至渥也。乃當時督撫諸臣。  
不能實心仰體。惟以虛文奉行。糜費帑金二十餘  
萬。大都飽於官吏之侵漁。而無實效。深可痛恨。朕  
卽位以來。事事仰體。

皇考之貽謨。永圖民生之遠計。據該撫陳奏。應是地方  
不可遲緩之事。悉心踏勘。詳加酌議。凡建立閘座。  
疏濬河流。務期盡除淤塞。以杜泛濫之虞。廣蓄水  
泉。以收灌溉之益。其一應工費。俱動用庫帑支給。



一切工程。交與監督辦理。并諭吏部。將現任部屬及候選部屬。府州縣人員內。有具呈願往効力者。挑選十餘人。帶往江南。不必令出資財。惟令辦理事務。酌量委用。○又

諭。自古治水之法。惟在順其自然之勢。而利導之。故水之爲害者。大抵由於故道湮塞。使水不得逕直暢流。以致泛溢而爲患。但恐逕直之路。湮塞年久。民間旣已蓋造室廬。開墾田畝。或且安葬墳墓。人情各顧其私。不知遠大之計。今見欲於此地開濬河道。則因循規避。百計阻撓。而司其事者。未免惑

背公懷私。害衆利己之徒。有不願者。串買地棍。投遞公呈。或請別開支河。或請另開新道。其言紛紛不一。倘以似是之言。或惑於聽聞。或希圖微利。或稍徇情面。或依違遷避。使積水不能暢出。數年後。仍漸致壅塞。則汝等罪不可追矣。該督撫欽差等。當竭力秉公詳勘。務爲一勞永逸之計。倘紳衿惡棍。生事阻撓。爾等指名題叅。嚴懲數人。則不公不法之刁風自息矣。爾等若少有欺隱。苟且塞責。了事。異日代人領過之時。莫怨朕未明白曉諭也。○又議准。蘓松太所屬之吳淞江。白茅。徐六涇。福



山塘。吳江。震澤縣運河。長橋北河。萬頃港。互流港。武進縣之孟瀆。德勝新河。丹陽縣之九曲河。節次開浚。○又

諭。所開河道土方。若目前圖便。堆積河岸。將來雨水淋刷。必致仍淤河道。務令運送遠處。以爲一勞永逸之計。

工部都水司

橋道

凡南苑大小橋梁水溝。如有損壞。看守官員報部。差官修理。

凡京城內外大小橋梁。遇有損壞。本部差官修理。在直省者。地方官捐助修理。依城工例議敘。其有通衢大路。緊要堤橋。不行預修。以致衝決者。府州縣官員。各罰俸一年。巡撫。罰俸六個月。

○雍正三年。

諭直隸總督。今年六月以後。雨水較多。橋梁道路。多



被淹沒。京師爲四方輻輳之地。士民商賈。往來雲集。今聞近京各處。道途積滯。行李維艱。諸物騰貴。朕心深爲軫念。爾可轉飭各地方官。悉心籌畫。其大路中集水之處。作何疏洩。窪圯之處。作何修墊。通州一路。可交與副將通永道。古北口一路。可交與提督及該管州縣官。宣府一路。可交與總兵及該管州縣官。至近京一帶。可交與大興宛平良鄉涿州等州縣。俱速令其相度地勢。設法修理。使行旅之人。通行無阻。不可借端差派。以便民之政。反致累民。

凡遵化州湯泉。宣府衛赤城湯泉。如遇

行幸。動支錢糧。差官修理。

凡直省各州縣橋道。如遇

行幸。地方官率領夫役修墊。所用錢糧。報部給發。康熙四十一年。題准。修墊橋道。著該撫動用道庫雜項銀兩。報戶部銷算。○五十五年。議准。修墊銀兩。著隨行工部侍郎帶領。沿途給發。事竣奏銷。

凡九門街道。順治元年。差工部漢司官一員。清理街道。修濬溝渠。仍令五城司坊官分理。○康



熙二年。覆准。內城令滿漢御史。街道廳。步軍總尉。副尉管理。外城令街道廳。司坊官分理。○三年。覆准。街道分左右翼。添差滿漢司官各二員。○十四年。覆准。內城街道溝渠。交步軍統領管理。外城交街道廳管理。○四十年。題准。京城內外。墊道歸併宛大二縣專理。○四十三年。

諭。街道不用專派官管理。交與提督管理。○四十七年。諭。著給事中兼管街道。○五十年。

諭。凡一應舊有瓦房偏厦。侵占官道者。免其拆毀。俟日後蓋造之時。清出還官。○又覆准。

正陽門外大街東西兩邊房屋。并猪市口民房。以新溝爲限。准其修理蓋造。至小街有溝者。以溝爲限。其無溝。并街道灣斜不整。或一面係空地者。俱以左右隣房。不占官街者爲齊。仍於本戶下註明碍道尺寸。立冊存案。日後更造。清出還官。○五十二年。覆准。監督街道。仍差工部滿漢司官各一員。一年更替。○雍正二年。

諭。九門石路。甚是損壞。行走重車。甚屬維艱。交工部提督衙門。公同詳勘。將應修補之處。確估。俟次修理。再西直門外石路。修至高梁橋。至暢春園石路。



有損壞者。亦著修理。又奉

旨。此工著動內庫銀兩。○又

諭。聞得前三門外。有溝渠壅塞。人家存水。街道泥濘。行路艱難。如有積水之處。作何疏通。毋使居人受累。提督衙門。查明奏聞。著該城監察御史。街道廳營弁。會同料估啓奏。動用正項錢糧修理。如有騎溝大房。著拆毀賞給銀兩。○又奏准。

皇城一帶地方。禁止當街污穢。曬颺皮張。○三年。議准。京城內外大小街道。年久浮土堆積。內城交與步軍統領。分交八旗步軍副尉等。外城交

與五城御史。街道廳。應行刨挖之處。丈量確估。酌動正項錢糧。於雍正五年。興工刨挖。○又覆准。

紫禁城週圍御河街道。查有堆積之處。俱行清理。嗣後查管禁止。仍著步軍統領等左右二翼內。派賢能步軍副尉。不時巡查。○又

諭。廣寧門外大路。甚屬低窪。大雨時行。則積水處。車輛行李。往來甚難。着步軍統領。支戶部庫銀。修理石路。○又

諭。新修九門石路。或有被重車所壓。以致塌陷者。著



大清會典 卷二百六  
即行修理。嗣後日久。再有塌陷處。步軍統領等從  
工部支領錢糧修理。

凡掩骼。康熙九年。題准。道傍枯骸。工部掩埋。通  
行直省。一體遵行。

船隻

漕船

清江廠分司。管理漕造事務。額造江寧。廬鳳。淮  
揚。山東。各衛漕船三千九百五十隻。以十年爲  
限。歲造十分之一。歲額稅銀二萬一百八十一  
兩四錢六分零。順治十五年。增額銀一萬兩。共  
額銀三萬一百八十一兩四錢六分零。又江南  
軍三小料銀一萬五千三百餘兩。俱供漕造之  
用。其額造不敷。則題動蘆課補足。又額徵石價  
銀六百五十兩。折夫銀五千五兩七錢六分零。



大清會典 卷二百九  
五  
扣利銀一萬一千五百九十八兩五錢六分零。由閘銀三千三百三十三兩三錢三分零。又樑頭一項。無定額。俱供河道支用。

凡漕船督造。順治二年。差工部漢司官一員督理。三年更代。○四年。歸併戶部。○八年。仍歸工部。○十二年。添差滿司官筆帖式各一員。一年更代。○十四年。裁滿司官及筆帖式。仍三年更代。○康熙元年。復差滿司官筆帖式各一員。一年更代。○三年。仍定三年更代。○四年。歸併地方官。○八年。復差滿漢司官各一員。及筆帖式

一員。一年更代。○九年。裁分司。石價等銀。歸戶部。淮安關兼理漕造事務。歸淮安府船政同知管理。又將江寧省衛三十三幫糧船一百二十五隻。移於江寧龍江廠地方成造。令江寧府管糧同知督理。○十九年。題准。差部員督造清江廠漕船。○二十八年。覆准。廬鳳等衛船隻。向在清江江寧二廠內打造。嗣後改歸各旗丁領運。自造。○三十三年。覆准。仍設清江江寧二廠。修造漕船。○三十九年。覆准。裁清江廠船政同知。改設理事同知。兼管船政。仍屬總漕巡撫管轄。



大清會典卷二百九  
六  
○雍正二年。

諭。船政同知。經管修造糧船。侵漁尤甚。此官於漕政毫無裨益。著卽裁去。○又議准。江寧清江浙江船政同知。已經奉

旨裁汰。江寧清江浙江廠造之船。令各糧道經管。其山東漕船。則歸山東糧道經管。俱給料價。旗丁自造。

凡糧船式樣定例。每船底長五丈二尺。中濶九尺五寸。厚二寸。頭長九尺五寸。濶六尺二寸。厚二寸。塘浪稍長九尺五寸。濶五尺二寸。厚一寸

二分。順治三年。覆准。漕船先造一隻爲式。估定價值。准動淮關蘆課銀修造。○康熙六年。覆准。漕船每隻載米四百石。糧道等親臨船廠。依式成造。○十七年。題准。漕船載米不得過四百石。成造。○十九年。題准。差部員督造。每隻長七丈一尺。濶一丈四尺四寸。○二十一年。覆准。令總漕及各督撫嚴檄糧道等官。糧船務須依式成造。如違。卽行指叅。○二十六年。覆准。新改船式。船小載重。量加寬大。○雍正二年。議准。湖廣江西



漕艘遠歷長江造船以十丈為率短不得過九丈其寬深丈尺酌量合式船底務須寬平該督飭令兩省糧道照式成造如有私放寬大者該督即將糧道題叅治罪

凡漕造限期定例十年一造十年內有漂沒火焚及拆毀盜賣者各按年分照例追銀例詳見戶部每船每年給三修銀兩戶部開銷

凡糧船料價順治初原額每船給料價銀二百八十三兩二錢七分零○十七年減料價銀四十一兩三錢○康熙元年核減料價銀七兩二

錢○十年減料價銀十兩四錢○十一年減江寧廠水脚銀三兩○十五年減江寧清江二廠料價銀六兩六錢又減江寧廠水脚銀六兩○十七年清江廠料價水脚銀照江寧廠減給○十九年差部員督造清江廠漕船每船減料銀三十一兩六錢零實給銀一百七十七兩一錢五分江寧各廠俱照此減給○二十二年議准遣官往各省監造船隻每船實用料價銀一百七十七兩一錢五分嗣後造船俱照此例○二十六年議准漕船料價核減至一百七十七兩



一錢五分。板薄釘稀。有悞漕運。增江寧清江二  
廠漕船料價。每隻仍准照舊復給銀二百八兩  
七錢零。○雍正三年。覆准。漕船所給料價。屢經  
酌定二百八兩七錢零之數。仍照舊價給發。行  
令總漕。嚴飭各糧道。親身如數給發。旗丁不許  
分毫扣取。務期成造堅固。如有侵扣等弊。總漕  
即將糧道等官。指名題參。交部從重議處。如該  
督徇隱不參。一併議處。

凡修造禁令。康熙四年。覆准。淮廠改造補造漕  
船。總漕親身查驗。果不堪再運者。方准改補。如  
有剩料。充下年歲造之用。○七年。題准。漕船改  
造。管造之官。親加驗明。如內有可加修。再運一  
二年者。即量給加修銀兩。仍令載運。照年扣算。  
倘有可用舊船。不行驗明。該督撫查出題參。○  
十四年。議准。官員奉委修造漕船。或謊報朽爛。  
或修造未竣。捏報已完。或朽爛船隻。冊報掩飾  
者。俱降二級調用。如承造漕船。推諉不行監造。  
或檄催日久不完者。俱降一級調用。該管官督  
催不力者。罰俸一年。如朽爛船隻。不估價申報  
者。亦罰俸一年。○十八年。議准。應造船隻。預行



大清會典 卷二百九  
九  
咨部核定。方准成造。如未奉文之先。私給銀造成者。卽將該管官指叅。○雍正二年。議准。漕船關係緊要。令總漕於回空時查明。實係腐朽難修者。方入歲冊請造。過淮時。驗明堅固合式。方准銷算。如有捏報成造。及板薄釘稀。不合式者。卽將糧道并監造等官題叅。從重議處。

### 戰船

戰船大小不一。有水艚。犁艚。沙船。烏船。砲船。梭船。哨船。戈船。大小唬船。其最大者曰得勝船。又有快船以利追勦。馬船以載馬匹。軍中運糧船以資輸輓。各相江海湖灘之險。因地制宜。工料亦隨時地爲低昂。其修造則請撥經費。或動戶部工部額銀。或動兵部缺馬朋扣刑部贓罰等銀。及江南黃快丁銀。以供修船之用。


凡戰船號數。順治十五年。查各省戰砲等船。併令各督撫交代。俱造冊報明。無致混冒遺失。江南省船九百八隻。浙江省船三百五十二隻。湖廣省船一千二百五十八隻。廣東省船四百五隻。四川省船六百一十隻。福建省船二百五隻。

○康熙十七年。奉



旨遣官員清查各省戰馬等船。江南省堅固戰船九百七十二隻。應修船一百二十八隻。應拆船二百七十八隻。浙江省堅固船三十九隻。應修船一百六十四隻。應拆船四百五十五隻。江西省堅固船四百五十三隻。湖廣省堅固船四百三十六隻。堪用船八隻。補造船八隻。應修船八十三隻。福建省堅固船五百二十四隻。應修船二百二十一隻。應拆船四十七隻。廣東省堅固船四百九十四隻。應修船一百四十六隻。應拆船三十二隻。又堅固堪用茅蓬船一百四十六隻。四

川省堅固船一百八十二隻。破壞船二百三十一隻。○雍正二年。清查各省戰船。江南省外海戰船二百三十三隻。內河戰船一百三十二隻。浙江省外海戰船一百十八隻。內河戰船一百八隻。山東省外海戰船十隻。江西省內河戰船三十一隻。湖廣省內河戰船三百六十三隻。福建省外海戰船二百十二隻。廣東省外海戰船一百七隻。內河戰船二百八十九隻。凡修理船隻。康熙十三年。議准。各省戰船。并各項船隻。定限三年一小修。五年一大修。○十七





年。

諭。各省船隻。或修或造。俱差各部賢能司官二員。前往督理。將實用錢糧。著爲定例。○二十二年。議准。凡不應修理船隻。限前混行申詳修理者。府州縣都司。守備。千總。把總。降二級調用。轉報司道。副將。叅將。遊擊。降一級調用。具題督撫提鎮。罰俸一年。其經管專責之驛傳道。照州縣例處分。會題巡撫。罰俸六個月。○二十八年。覆准。嗣後閩省戰船。仍歸道廳董率修理。○二十九年。題准。各省海汛戰哨船隻。自新造之年爲始。歷三年准

其小修。小修後三年大修。大修後三年。如船隻尚堪修理應用。仍令大修。或不堪修理。該督撫等題明拆造。內河戰船。自新造之年爲始。歷三年准其小修。小修後五年大修。大修後三年。仍令小修。小修後三年。如船隻尚堪修理應用。仍令其大修。或不堪修理。該督撫等題明拆造。○又議准。各省戰船。係營弁及各府州縣官應修者。至應修之年。以各屬文到日爲始。限一個月領船。再限一月。估定價值冊報。部覆允修之船。以部文到日爲始。大修限三個月。小修限兩個



月限內不領不估。及不於限內修完者。違限一月以上。承修官罰俸一年。督修官罰俸六個月。督撫提鎮罰俸三個月。違限二月以上。承修官降一級調用。督修官罰俸一年。督撫提鎮罰俸六個月。違限三月以上。承修官降二級調用。督修官降一級留任。督撫提鎮罰俸一年。違限四月以上。承修官降三級調用。督修官降一級調用。督撫提鎮降一級留任。違限五月以上。承修官降四級調用。督修官降二級調用。督撫提鎮降一級調用。違限六月以上。承修官革職。督修官降三級調用。督撫提鎮降二級調用。○三十二年。議准。交戰船時。武弁縱令兵丁人等。藉端勒索使費。照衙役犯贓失察例議處。武弁需索銀兩。照貪官例議處。總兵不行揭報。道府通同徇隱。照徇庇例議處。○三十四年。

諭。戰船關係緊要。修理銀兩。核減太過。恐臨用之時。因船隻單薄。復行大修。以致貽誤事情。亦未可定。各省修理戰船。工部會同戶兵二部。再行確議定例具奏。遵

旨議定。令各省督撫將軍提鎮。將修理戰船銀兩。照各



大清會典 卷二百九  
地方價值。據實確估具題。增定價值有差。○又  
覆准。京口戰船。仍歸地方官修理。○三十九年。  
覆准。嗣後戰船。停其交與州縣官修理。該督撫  
揀選賢能道府等官。於各將軍提鎮左近地方  
監修。如修造不堅。未至應修年分損壞者。該督  
撫查叅。責令賠修。仍交與該部嚴加議處。其營  
弁將船隻不敬謹看守。以致損壞者。該將軍提  
鎮查叅。亦交與該部嚴加議處。○五十二年。覆  
准。戰船風篷桅索。最易朽壞。除應修之年。毋庸  
另給銀兩外。其常年。每歲於朋扣餘剩銀兩內。

照定價。給篷索銀一次。責令該營堅固修換。○  
又覆准。廣東戰船。遇應修之年。一面題估。一面  
卽支藩庫銀兩。及時修理。工完。造冊題銷。○又  
議准。江南各營拆造戰船。因俟年限。多致損壞。  
嗣後未至拆造年分。倘有損壞。照部定大修價  
值。准其拆造。○又議准。嗣後拆造戰船。委道員  
府佐。併本營副將叅遊。共同監造。依限完工。如  
違限併造不如式。將文武官弁。一併治罪。如營  
弁捕盜借端勒索。監督官弁卽行揭報。從重治  
罪。○又議准。江南戰船。嗣後如遇應修之年。該



督一面具題。一面卽支用司庫銀兩。速行修理。工完造冊題銷。○又議准。各營船。犁趕繒等船。將某營某鎮。於船頭船尾。刊刻號數。并捕盜姓名。○五十七年。覆准。巡哨戰船。同時修造。有悞防汛。嗣後各營船隻。屆期。一并題明。先修一半。仍留一半在汛巡防。俟前半完工到汛。卽將後半續修。完日。一併題銷。其修造戰船物料。令布政司驗視發造。工竣。仍親身確查。合式堅固。行營收管。○五十八年。覆准。嗣後營弁包修戰船者。承修知府。與該營將官。俱革職。督修道官。照徇庇例。降三級調用。督撫提鎮。各降一級調用。其修造戰船。均寬限一月。大修定限四個月。小修定限三個月。○雍正二年。

諭沿海各省督撫提鎮。戰船出洋巡哨。最爲緊要。舊例。地方官承管修造。營員每多勒索。不顧州縣賠累。地方官惟知交結營員。囑其收受。其修造竟不堅固。彼此俱有私心。以致出洋船隻。易至朽壞。重修。朕深知其弊。欲改歸營員修造。使州縣無賠累之苦。於軍政似甚有裨益。可會同速確議奏。若有不可行處。不可迎合。強以爲是。遵



旨議准。各省外海戰船。設廠修理。派道員副將參將  
公同監修。

各省船隻

通州。設橋船三十九隻。原額五十隻。康熙十八年。撥給三河縣錯河六

隻。五十四年。漂沒五隻。渡船十隻。春夏搭造浮橋。秋冬用

以濟渡。其排造船隻。及有損壞。部給工料修理。

三河縣錯河。設橋船六隻。渡船四隻。每年部給

銀兩修艖。

江寧。設黃快船九十三隻。原額九十四隻。康熙十四年。一隻燬。備

運官用緞匹。及差撥應用。○又便民船九十九

隻。原額一百七隻。康熙二十八年。燬廢八隻。分發江寧府四十二隻。

蘇州府二十八隻。淮安府二十九隻。以供一應

差遣。

中河。南河。運甌石方船各四隻。北河。南旺。夏鎮

運甌石方船各二隻。

高郵。寶應。江都。撈淺船八十一隻。



藏冰

每歲冬至前。工部發銀。差官伐冰收藏。以供  
內廷及

行幸祭祀取用。併頒給八旗王公大臣九卿科道等  
官。按品支領。康熙十三年。停給八旗及各部院  
衙門冰塊。

紫禁城內。冰窖五座。通州取冰一窖。四千五百四  
十三塊。京河取冰四窖。每窖五千二百一十塊。  
景山冰窖六座。通州取冰三窖。每窖一萬二千  
九百三十七塊。康熙三十六年。三窖減冰四千



塊。京河取水三窖。每窖一萬二千八百九塊。

德勝門外冰窖八座。每窖一萬三千二百五十

塊。康熙五十五年。減窖五座。現存三窖。每窖一

萬九千九十二塊。



大清會典卷之二百九

文獻通考



